



**REPUBLIKA E KOSOVËS**  
REPUBLIKA KOSOVA/REPUBLIC OF KOSOVO  
**Komuna e Kaçanikut**  
Opština Kaçanik/Municipality of Kaçanik



*01.Nr 60/01-12895/20*  
*Kaçanik, 30.06.2020*

**STATUTI**  
**PËR NDRYSHIMIN DHE PLOTËSIMIN E STATUTIT TË KOMUNËS**  
**SË KAÇANIKUT 01NR.3588/2008 TË DATËS 25.09.2008**

**Kaçanik, Qershor 2020**

Në mbështetje të nenit 12.1 dhe 12.2 (a) lidhur me nenet 40.2(a), 5 dhe 17 të Ligjit Nr. 03/L-040 për Vetëqeverisjen Lokale (Gazeta Zyrtare e Republikës së Kosovës Nr. 28/4 Qershor 2008), të nenit 12.3 dhe 12.4 lidhur me nenet 34.4, 34.5, 73.4 të Statutit të Komunës së Kaçanikut 01Nr. 3588/2008 të datës 25.09.2008, të Draft Propozimit final 01Nr.60/01-12899/20 të Komisionit për Ndryshim-Plotësimin e Statutit të Komunës së Kaçanikut, Kuvendi i Komunës së Kaçanikut në mbledhjen e mbajtur më 30.06.2020, aprovoj :

## **S T A T U T I N**

### **PËR NDRYSHIMIN DHE PLOTËSIMIN E STATUTIT TË KOMUNËS SË KAÇANIKUT 01NR.3588/2008 TË DATËS 25.09.2008**

#### **Neni 1**

Me këtë Statut, ndryshohet dhe plotësohet Statuti i Komunës së Kaçanikut 01Nr.3588/2008 i datës 25.09.2008.

#### **Neni 2**

Plotësohet neni 7 me pikën 3 me këtë tekst: “Përmbajtja, përdorimi dhe ndryshimi i Emblemës dhe simboleve do të përcaktohet me vendim të veçantë të Kuvendit të Komunës në pajtim me Ligjin”.

#### **Neni 3**

Ndryshohet neni 8 me këtë tekst: “Komuna e ka vulën e vet, të rrumbullaket dhe katrore të formateve standarde. Mënyra e mbajtjes dhe përdorimit të vulave përcaktohet me vendim të posaçëm të Kuvendit të Komunës”.

#### **Neni 4**

Plotësohet neni 10; hiqet “Komuna” dhe zëvendësohet me “Kuvendi i Komunës dhe Kryetari i Komunës”.

#### **Neni 5**

Plotësohet neni 11 me këtë tekst; “Kuvendi i Komunës për kontribut të veçantë në zhvillimin e Komunës mund të shpallë qytetar nderi të Komunës se Kaçanikut personalitete të ndryshme brenda dhe jashtë vendit”.

#### **Neni 6**

Plotësohet neni 13 me këtë tekst; “Territori i Komunës është përcaktuar në Ligjin për Kufijtë Administrativ të Komunave”.

### **Neni 7**

Ndryshohet neni 14 me këtë tekst; “Kufijtë e Komunës mund të ndryshohen me vendimin e pushtetit qendror, pas marrjes së pëlqimit paraprak Kuvendit të Komunës”.

### **Neni 8**

Ndryshohet neni 15; në të gjitha pikat e këtij neni ku figuron teksti “zyrat e vendit” zëvendësohet me “zyrat e gjendjes civile”.

### **Neni 9**

Ndryshohet neni 16 me këtë tekst; “Në zyrat e Gjendjes Civile sipas nenit 15.2 të këtij statuti do të kryhen të gjitha shërbimet e parapara për zyrën e gjendjes civile, nëse me dispozitat ligjore që rregullojnë këtë fushë nuk është paraparë ndryshe.

Komuna, sipas nevojës së qytetarëve me vendim të veçantë mundë të delegoj edhe kompetenca të tjera këtyre zyrave.

Komuna, për të bashkëpunuar me fshatrat dhe vendbanimet me rregullore të veçantë të kuvendit të komunës mundë të përcaktojnë formën e bashkëpunimit, strukturën organizative dhe funksionale, mënyrën, kohën dhe çështjet tjera që lidhen me zgjedhjen e përfaqësuesve të fshatrave, vendbanimeve apo lagjeve urbane”.

### **Neni 10**

Plotësohet neni 17.2 me këtë tekst; “Komuna gjithashtu duhet të sigurojë që qytetarët kanë pasur mundësi ta shprehin mendimin e tyre paraprakisht se interesat dhe kërkesat e tyre janë marrë në shqyrtim”.

### **Neni 11**

Plotësohet dhe ndryshohet neni 18 me këtë tekst; “Komuna mund të shfrytëzojë secilën nga format e konsultimit të shënuar më poshtë si dhe forma të tjera të konsultimeve sipas nevojës dhe rrethanave.

1. Fushatat informuese dhe të publicitetit për të promovuar aktivitetet dhe programet komunale,
2. Kontakte me grupet e interesit për të testuar dhe diskutuar politikat në fusha të caktuara,
3. Anketat për implementimin e politikave përfshirë qytetar dhe grupe të interesit.
4. Shpalljet publike, nëpërmjet të cilave bëhet njoftimi për pjesëmarrje në tubime prezantuese të hartimit të politikave dhe draft-rregulloreve.
5. Kontakte me grupet e interesit
6. Komitetet këshillëdhënëse të qytetarëve
7. Takimet publike,
8. Dëgjimet publike,
9. Studimet për vlerësim të efektit dhe
10. Peticionet”.



### **Neni 12**

Ndryshohet neni 21; pika 1 e këtij neni fjalua "grupet fokusuese, konsultuese" zëvendësohet me fjalinë "grupet e interesit". Pika 2 hiqet në tërësi.

### **Neni 13**

Plotësohet dhe ndryshohet neni 22 me këtë tekst; "Komuna duhet të sigurojë publicitetin e duhur dhe duhet t'i shfrytëzoj kanalet dhe mjetet tjera të komunikimit, në mënyrë që t'i përmbush synimet e audiencës. Konsultat e hapura për publikun duhet të publikohen në faqen zyrtare të komunës".

### **Neni 14**

Ndryshohet neni 23 me këtë tekst; "Komuna brenda afatit 30 ditësh nga dita e mbajtjes së konsultimit me publikun, është e obliguar që t'ju jap përgjigje me shkrim kërkesave dhe sugjerimeve të qytetareve".

### **Neni 15**

Plotësohet neni 26; afati "dy javë" zëvendësohet me "katërmbëdhjetë (14) ditë".

### **Neni 16**

Ndryshohet neni 34 pika 1 me këtë tekst; "Kuvendi i Komunës është organi më i lartë në Komunë i cili ushtron funksionin përfaqësues dhe vendimmarrës në pajtim me ligjet dhe këtë Statut".

### **Neni 17**

Plotësohet neni 35, shtohet pika 2 me këtë tekst: "Procedurat e zgjedhjes së Kryesuesit përcaktohen në Ligin për Vetëqeverisjen Lokale".

### **Neni 18**

Ndryshohet neni 38, hiqet komplet pika 2 me këtë tekst: "Numri i anëtarëve të secilit komitet duhet të përcaktohet nga Kuvendi i Komunës".

### **Neni 19**

Ndryshohet neni 39 pika 1 me këtë tekst; "Komitetet e përhershme janë: Komiteti për Politikë e Financa dhe Komiteti për Komunitete. Numri i anëtarëve të KPF-së është 7 anëtarë dhe i Komitetit për Komunitete deri në 7 anëtarë. Përbërja e këtyre komiteteve duhet të ketë përfaqësim gjinor sipas ligjeve në fuqi".

### **Neni 20**

Ndryshohet neni 44, hiqet pika 3 me këtë tekst; "Numri i anëtarëve të Komitetit për Politikë dhe Financa duhet të jetë së paku 5 dhe më së shumti 9 anëtarë".

### **Neni 21**

Plotësohet neni 57; pas pasuesit “Ligjit për Vetëqeverisje Lokale” i shtohet edhe pasuesi “Ligji për Bashkëpunim Ndër komunal”.

### **Neni 22**

Ndryshohet neni 61 pika 2: Teksti “Drejtoria për Financa Ekonomi dhe Zhvillim” zëvendësohet me “Drejtoria përkatëse”.

### **Neni 23**

Ndryshohet neni 63: Teksti “Drejtorit për Financa dhe Zhvillim” ndahet vetëm me tekstin “Drejtorit të Buxhetit dhe Financave”.

### **Neni 24**

Ndryshohen nenet 64, 65, 67, dhe 68 pika 2; Teksti “Drejtori për Ekonomi, Financa dhe Zhvillim” do të zëvendësohet me “Drejtori i Buxhetit dhe Financave”, si dhe në nenin 69, fjala “Miratim” të zëvendësohet me “Informim”.

### **Neni 25**

Hiqet paragrafi 11 i nenit 73 me këtë tekst: “Shpall konkursin, rekruton, zgjedhë dhe largon udhëheqësin e personelit në pajtim me ligjin e aplikueshëm për shërbimin civil”.

### **Neni 26**

Ndryshohet neni 77, si dhe shtohen pikat në këtë nen me përmbajtjen si në vijim:

1. Çdo drejtori komunale menaxhohet nga drejtori i drejtorisë, i cili emërohet dhe shkarkohet nga Kryetari i Komunës.
2. Drejtorët menaxhojnë dhe udhëheqin drejtorinë e tyre në pajtim me udhëzimet strategjike dhe politike të Kryetarit dhe në pajtim me ligjet dhe rregulloret komunale në fuqi.
3. Drejtorët i raportojnë rregullisht Kryetarit të Komunës për çështjet që janë në përgjegjësinë e tyre dhe i ofrojnë atij informatat dhe raportet e nevojshme për procesin e vendimmarrjes”.

### **Neni 27**

Ndryshohet dhe plotësohet neni 78: Hiqen përgjegjësitë dhe detyrat e drejtorisë së administratës së përgjithshme si dhe listohen drejtoritë me këtë tekst si në vijim: “Në kuptim të autorizimeve ligjore nga dispozitat e Ligjit për Vetëqeverisje Lokale si dhe organogramit komunal, administrata komunale organizohet në drejtori dhe zyre:

1. Drejtoria e Administratës së Përgjithshme;
2. Drejtoria e Shëndetësisë dhe Mirëqenies Sociale;
3. Drejtoria e Arsimit;
4. Drejtoria e Buxhetit dhe Financave;
5. Drejtoria e Urbanizmit, Kadastrit dhe Mbrojtjes së Mjedisit;
6. Drejtoria e Shërbimeve Publike dhe Emergjencës;
7. Drejtoria e Bujqësisë, Zhvillimit Rural dhe Pylltarisë;
8. Drejtoria e Kulturës, Rinisë dhe Sportit;
9. Drejtoria e Zhvillimit Ekonomik dhe Turizmit.



## Neni 28

Ndryshohet dhe plotësohet neni 79; hiqen përgjegjësitë dhe detyrat e drejtorisë së shëndetësisë dhe mirëqenies sociale dhe ky nen plotësohet me pikat tjera me tekstin në vijim:

- “1. Përpos drejtorive Komunale, Kuvendi i Komunës themelon edhe zyrat.
2. Themelimin e zyrave e propozon Kryetari i Komunës dhe e miraton Kuvendi i Komunës.
3. Zyrat të cilat janë në vartësi me zyrën e kryetarit janë:
  - 3.1 Zyra e Personelit
  - 3.2 Zyra e Prokurimit
  - 3.3 Zyra për Komunitete dhe Kthim
  - 3.4 Zyra për Auditim të Brendshëm
  - 3.5 Zyra Ligjore,
  - 3.6 Zyra e Inspektoratit
  - 3.7 Zyra për Barazi Gjinore
  - 3.8 Zyra për Integritet Evropian
  - 3.9 Zyra e Teknologjisë Informative
  - 3.10 Zyra e Informimit
  - 3.11 Zyra e Kuvendit.

## Neni 29

Ndryshohet dhe plotësohet neni 80; hiqen detyrat dhe përgjegjësitë e drejtorisë së arsimit dhe kulturës si dhe shtohet teksti si në vijim:

- “1. Kuvendi i Komunës, në kuptim të dispozitave të LVL, në raste të nevojshme, mund të themelojë edhe drejtori tjera për ushtrimin e funksioneve dhe përgjegjësi të Komunës, në pajtim me ligjin në fuqi dhe organogramin komunal.
2. Përshkrimin e detyrave, kompetencat dhe përgjegjësitë e drejtorëve dhe udhëheqësve të zyrave rregullohen me vendim të veçantë, të cilin e nxjerr Kryetari i Komunës në afat prej 30 ditësh nga dita e miratimit të Statutit, vendimi duhet të miratohet nga Kuvendi i Komunës.

## Neni 30

Ndryshohet dhe plotësohet neni 81; hiqen detyrat dhe përgjegjësitë e drejtorisë së ekonomisë, financave dhe zhvillimit si dhe plotësohet neni me tekstin si në vijim: “Konfliktet e Interesit për Drejtorët- pika 1. Të gjithë drejtorët e drejtorive Komunale përjashtohen nga marrja e vendimeve dhe nga procedurat administrative që kanë të bëjnë me çfarëdo çështjesh për të cilën ai apo ndonjë anëtar i ngushtë i familjes së tij kanë ndonjë interes personal ose financiar.

2. Nga drejtorët kërkohet që të paraqesin me shkrim çdo konflikt interesash menjëherë pasi shfaqen.
3. Statuti i Komunës dhe Rregullorja e Punës përfshijnë masat të cilat merren për të përjashtuar drejtorët nga vendimmarrja dhe procedurat administrative ku ata kanë ndeshje interesash”.

### **Neni 31**

Hiqen nenet 82, 83, 84 të cilat paraqesin detyrat dhe përgjegjësitë që kanë drejtoritë.

### **Neni 32**

Hiqen nenet 86, 87, 89. Këto përgjegjësi tashmë përcaktohen me Ligj.

### **Neni 33**

Plotësohet neni 93 me këtë tekst: “Me aprovimin e këtij statuti, të gjitha aktet normative do të harmonizohen me ndryshimet e paraqitura në afat prej tre (3) muajsh” si dhe ndryshimet do të inkorporohen në Statutin aktual me tekstin e spastruar.

### **Neni 34**

Të shtohet: “Pas hyrjes në fuqi të Statutit, Kryetari i Komunës është i obliguar që t’i propozoj Kuvendit të Komunës, vendimin apo rregulloren lidhur me detyrat dhe përgjegjësitë e drejtorëve si dhe zyrës së inspektoratit në afat prej tridhjetë (30) ditësh.

### **Neni 35**

#### **Dispozitat Kalimtare**


1. Si rezultat i shprehjes së vullnetit politik, drejtoritë e listuara në nenin 27, paragrafi 8 dhe 9, do të funksionojnë si “Drejtoria për Arsim, Kulturë, Rini dhe Sporti” dhe “Drejtoria e Buxhetit, Financave dhe Zhvillimit Ekonomik” deri më 1 janar 2022.
2. Ky Statut pas regjistrimit në Zyrën e protokollit të autoritetit mbikëqyrës –MAPL në afatin e përcaktuar ligjor prej 15 ditësh, hyn në fuqi 7 ditë pas publikimit në Faqen Zyrtare të Komunës si dhe pas publikimit në Gazetën Zyrtare të Republikës së Kosovës.

Kryesuesi i Kuvendit

Kemal Mërseli







Republika e Kosovës  
Republika Kosova-Republic of Kosovo  
Qeveria - Vlada - Government  
Ministria e Pushtetit Lokal  
Ministarstvo Lokalne Samouprave  
Ministry of Local Government

Për:	Besim Ilazi, Kryetar i Komunës së Kaçanikut Kemal Mërseli, Kryesues e kuvendit të Komunës së Kaçanikut	
Kopje:	Njësisë për Administrimin e Dokumenteve në MPL Njësisë për Administrimin e Dokumenteve në Komunë	
Përmes:	Goran Rakić, Zëvendës Kryeministër dhe Ministër i MPL-së Rozafa Ukimeraj, Sekretare e Përgjithshme e MPL-së	
Nga:	Venera Çerkini Udhëheqëse e Departamentit Ligjor dhe Monitorim të Komunave	Datë: 10.07.2020 Nr-020-495
Zyrtaret përgjegjës:	1. Zyrtari konfirmues i vlerësimit ligjor Xhevat Tafa, Udhëheqës i Divizionit për Monitorim të Komunave	
	2. Zyrtari hartues i vlerësimit ligjor Gëzim Sahiti, Zyrtar i lartë për monitorim të komunave	
Lënda:	Konfirmim i ligjshmërisë së aktit të Komunës së Kaçanikut	
Lloji i aktit:	<input type="checkbox"/> Vendim i Kuvendit të Komunës	

I nderuar Kryetar,  
I nderuara Kryesues,

Në pajtim me Rregulloren e Qeverisë së Republikës së Kosovës Nr. 10/2019 për Shqyrtimin Administrativ të Akteve të Komunave, e në bazë të kompetencave ligjore të ministrisë të përcaktuara me ligjet bazike dhe Rregulloren e Qeverisë Nr. 06/2020 për Fushat dhe Përgjegjësitë Administrative të Zyrës së Kryeministrit dhe Ministrive, Departamenti Ligjor dhe Monitorim të Komunave i Ministrisë së Pushtetit Lokal ka pranuar për shqyrtim të detyrueshëm të ligjshmërisë ashtu siç parashihet me nenin 81 të Ligjit Nr. 03/L-040 për Vetëqeverisje Lokale aktin komunal në vijim:

Statuti 01.Nr60/01-12895/20, për ndryshim plotësimin e Statutit të Komunës së Kaçanikut 01Nr. 3588/2008 të datës 25.09.2008.

I miratuar më datë: 30.06.2020

I parashtruar për shqyrtim në MPL më datë: 06.07.2020

Ministria e Pushtetit Lokal, pas shqyrtimit të përmbajtjes së aktit të komunës si më sipër, vlerëson se akti i komunës në aspektin procedural është në pajtim me dispozitat e legjislacionit në fuqi dhe si i tillë mund të prodhojë efekte juridike. Ministria e Administrimit të Pushtetit Lokal mbetet në dispozicion të komunës për çfarëdo sqarimi të mëtejshëm në lidhje me këtë vlerësim.